

«ՎՐԱՍՏԱՆԸ» 100 ՏԱՐԵԿԱՆ Է ՇՆՈՐՀԱՎՈՐԱՆՔՆԵՐԸ ՇԱՐՈՒՆԱԿՎՈՒՄ ԵՆ...

ՏՈՆԴ ՇՆՈՐՀԱՎՈՐ, «ՎՐԱՍՏԱՆ»

«Վրաստան» թերթի մեկ-դարյա հոբելյանի առթիվ Վրաստանի հայալեզու պարբերականին նվիրված հոդվածներ եւ շնորհավորական ուղերձներ են տպագրվել Վրաստանում լույս տեսնող վրացալեզու եւ ռուսալեզու պարբերականներում: Մասնավորապես, **«Սաքարթվելոս Ռեսպուբլիկան»** «Վրաստանի» հոբելյանին նվիրված հոդվածին կից իր շնորհավորական ուղերձում նշում է.

«Սաքարթվելոս Ռեսպուբլիկան» ի սրտե շնորհավորում է հայալեզու «Վրաստան» («Սաքարթվելո») թերթի խմբագրությանը մեկ-դարյա հոբելյանի առթիվ եւ երկու հնագույն ժողովուրդների այսօրվա սերունդներին մաղթում խաղաղ, բարեկամական, վստահությամբ լի հարաբերություններ:

Թբիլիսիում լույս տեսնող մեկ այլ **«Վեչերնի Տփիլիսի»** ռուսալեզու թերթը «ժողովուրդներին միավորող բարեկամության կամուրջ» վերնագրով հոդվածի վերջաբանում շնորհավորական ուղերձ է հղել


«Վրաստանին» եւ ընդգծել.

«Վեչերնի Տփիլիսի» թերթի խմբագրության կողմից, եւ ընդհանրապես ողջ Վրաստանը, միանում են այն բազմաթիվ շնորհավորանքներին, որոնք այս օրերին հասցվեագրվում են «Վրաստան» թերթին՝ առաջին համարի լույսընծայման հոբելյանի առթիվ: Չենք կասած, որ «Վրաստան» թերթն իր ընթերցողների համար առաջիկայում էլ կլինի բարի ու հավատարիմ բարեկամ, հուսալի օգնական, խորհրդատու եւ կամուրջ՝ Վրաստանի եւ Հայաստանի եղբայրական ժողովուրդների միջեւ:

«Վրաստան» թերթի 100-ամյա հոբելյանի առթիվ իրենց շնորհավորանքներն են հղել հայազետ-գրականագետներ **Ջազա Ջափարիձե, Ռաուլ Չիլաչավան, Գիգա Բարամիձե, Բանասիրություն Դոկտոր Ռեզո Բալանջիվաձե**, երկար տարիներ Վրաստանում խորհրդային Միության հեռագրական գործակալության (TACC) սեփական թղթակից **Թեմ-գիգ Պաշկորիան**, ուրիշներ:

ՄԵՐ ՍԻՐԵԼԻ «ՎՐԱՍՏԱՆԸ» ՀՈՐԵԼՅԱՐ Է

Պարոն Վան Բայբուրթյանին եւ ճանաչում են որպես հայ-վրացական բարեկամության, երեւի թե, ամենաբազմաբնագավառ գործչի ու ջատագովի: Բնական է, որ նրա ղեկավարած ու խմբագրած «Վրաստանը» պետք է կատարեր նույն առաքելությունը՝ դառնալով ոչ միայն կամուրջ, այլեւ խորհրդանշել երկու դարավոր ժողովուրդների միջեւ: Մենք Հայաստանից դուրս միակ համայնքն ենք, ով ունի մայրենիով իր պետական դպրոցը, թատրոնն ու թերթը, իսկ սա հավասար պայմաններ է ստեղծում Վրաստանի հայ քաղաքացու համար ու հնարավորություն տալիս պահելու ինքնությունը:



1930 թվականից «Վրաստան» թերթի բաժանորդ է եղել հայրս՝ ով 1941-1945 թթ. մասնակցել է Հայրենական Մեծ պատերազմին ու անհետ կորել:

Հայրիկիս ազգանվեր գործը շարունակեցի ես. կյանքիս գիտակցական ընթացքում սիրով կարդացել եւ հիմա էլ կարդում եմ թերթի բոլոր համարները, լրացնում խաչքառերը: Երբ հետադարձ հայացքով եմք նայում «Վրաստան» թերթի անցած 100 տարիներին, տեսնում ենք մարդկային պատմության ամբողջ տարեգրքի ամենափայլուն էջերը: Հայն ու վրացին դարերի նվիրական ավանդույթներով կապված մի համերաշխ ընտանիք են: Մենք հավասարապես

«Վրաստանը» հարյուր տարեկան է, թերթի համար սա լուրջ հոբելյան է, որովհետեւ գոյատևումն ընթացքում խոչընդոտների հաղթահարումը հեշտ չէ, իսկ մեր թերթին դա զարմանալիորեն հաջողվում է: Ամեն կիրակի, մասնակցելով պատարագների մայրաքաղաքի մեր հայոց եկեղեցիներում, տեսնում ենք, թե ինչ հերթ է գոյանում թերթի յուրաքանչյուր համարի համար ու, եթե հանկարծ թուլանալի տարբերությամբ ուշանում է առաքումը, ապա անմիջապես անհանգստության ալիք է բարձրանում:

Թող անհանգստության առիթ երբեք չունենա «Վրաստանի» ընթերցողը: Թող երբեք չպակասի թերթի

ստեղծագործողը, լույսընծայման ընթացքում ապաստող աշխատակիցներից յուրաքանչյուրը: Խոնարհումս նախկին «վրաստանցիներին», շնորհակալ եմ ձեզ ներկաներիդ, ովքեր ապահովում եք այդ «կյանքն» ու ամեն ինչ անում, որպեսզի չկանգնի զարկերակը... Շնորհավոր հոբելյանդ, սիրելի «Վրաստան»:

ԻՆՆԱ ՍՈՒՔԻԱՅԱՆ

«Վրաստան» թերթի ընթերցող

ՔԱՅԼԻՐ ԺԱՄԱՆԱԿԻ ՀԵՏ, «ՎՐԱՍՏԱՆ»

գգում ենք մեր սազն ու չունգուրը: Հայ ու վրացի ժողովուրդների եղբայրությունը եւ բարեկամությունը շատ հին է: Նրանց բարեկամությունը ծագել է ժամանակի սկիզբներից, միջազգային շրջաններից, աստվածների՝ Միեր-Ամիրանի օրերից:

Այսպիսի սերտ գործակցությամբ ու պայքարով մեր ժողովուրդները կարողացել են պահել եւ հասցնել մեզ ազգային նվիրական մեծ գանձեր՝ ոգի, ոճ, լեզու, գրականություն, որոնց մեջ իր համեստ ներդրումն ունի նաեւ «Վրաստան» թերթը:

Չեզ ցանկանում եմ բազում 100-ներ: Թող Վրաստանի եւ Հայաստանի քնարի հնչյունները զրնգան համայն աշխարհով մեկ եւ ավետեն իրենց հաղթանակը աներեւույթ թշնամու «Կովիդ-19»-ի դեմ:

ՄԵԼԱ ՍԱՀԱԿՅԱՆ

Մանկավարժ-թոշակառու

Ասպինձայի մունիցիպալիտետ, գյուղ Դամալա

ՇՆՈՐՀԱՎՈՐ, ՍԻՐԵԼԻ «ՎՐԱՍՏԱՆՑԻՆԵՐ»

(Սկիզբը՝ 1-ին էջում)

Շատ բարձր եմ գնահատում թերթի անփոխարինելի խմբագիր Վան Բայբուրթյանի դերը՝ ոչ միայն որպես տաղանդավոր լրագրողի, հիմնալի կազմակերպչի, այլ որպես Վրաստանի հայկական համայնքի ճանաչված ղեկավարի, ինչպես նաեւ խմբագրի տեղակալ, բազմավաստակ լրագրող Յուրի Պողոսյանի, լրագրողներ Ջուլիետա Բադալյանի, Անահիտ Բոստանջյանի դատեր՝ Գայանե Բոստանջյանի դերը: Ցավոք, ներկայիս ձեռնադրված թույլ չի տալիս անուն առ անուն հիշատակել ձեր հիմնալի կողմնակից բոլոր անդամներին՝ համակարգչային ծրագրավորողներին, սրբագրիչներին, քարտուղարին, ովքեր ոչ այնքան բարվոք պայմաններում եւ բավականին համեստ վարձատրությամբ կատարում են իրենց կարեւոր եւ նշանակալի գործը՝ տեղեկատվություն փոխանցում հայ բնակչությանը:

Առողջություն, համբերություն եւ ֆինանսական բարօրություն ձեզ:

Հարգանքներով՝ ՄԻՔԱՅԵԼ ԱՅԴԻՆՈՎ

«Բազմազգ Վրաստան» թերթի խմբագիր

ԵՐՋԱՆԻԿ ԵՄ, ՈՐ ԱՇԽԱՏԵԼ ԵՄ «ՎՐԱՍՏԱՆՈՒՄ»

(Սկիզբը՝ 1-ին էջում)

Գիշտ է, խմբագրությունում կային նաեւ 37-ի թերմացքները եւ ինձ՝ միակ անկուսակցականիս, դժվար էր դիմակայել լիկբեզ անցածներին, բայց «պերեստրոյկան» սկսվեց... Մի անգամ նույնիսկ մորուքիս հարցը դրին խմբակի միստին. հո չէի՞ն փետրում՝ այն դեպքում, երբ սովետ ժողովուրդը ձեռնամուխ է եղել ԽՍՀՄ ԿԿ որոշումների կենսագործմանը, Պողոսյանը մորուք է պահում... Վերջում այն ժամանակվա մեր խմբագիր Հակոբ Բլոքյանը, ում ջախքիցիները «կակուղ փուշ» էին անվանում, ինձ տվեց խոսքը: Ասի՝ ի՞նչ կասեին իմ ընդդիմախոսները, եթե Լենինն ու Մարքսը մեր խմբագրությունում աշխատեին: Էս ասածիս վրա Բեցիկ Սեյրանյանը ծիծաղեց եւ վեր կացավ տեղից, միտն ավարտվեց: Կներեք, անտեղի ընկա հուշերի գիրկը... Օգտվելով առիթից՝ շնորհավորում եմ «Վրաստան» թերթի աշխատակիցներին, մեզ բոլորիս այդ նշանակալից հոբելյանի առթիվ: Ցավում եմ, որ համավարակի պատճառով չեն կարող գալ Թիֆլիս, ողջունում եմ իմ կոլեգաներին, մասնավորապես՝ Վան Բայբուրթյանին, ով մեծ դժվարությամբ ու ջանքերի գնով պահպանեց թերթը:

ՍԱՍՎԵԼ ՊՈՂՈՍՅԱՆ

«ՎՐԱՍՏԱՆ» ԹԵՐԹԻ ՆԱԽԿԻՆ ԱՇԽԱՏԱԿԻՑ

ՄԱՐՈ ՄԱՐԳԱՐՅԱՆ - 105

ՀԱՅ ՔՆԱՐԵՐԳՈՒԹՅԱՆ ԹԱԳՈՒՅԻ ՄԵՐ ՄԱՐՈՆ

Վերջին ժամանակներս այս եւ մի շարք այլ նշանակալից տարեթվեր հանրության համար աննկատ են մնում ինչպես մեզ մոտ, այնպես էլ՝ Մայր Հայրենիքում: Միգուցե մեզ համար աստիճանաբար տվորակվա՞ն է դառնում այն, որ այսօր ապրում ենք ոչ այնքան էլ պոետիկ դարաշրջանում: Միգուցե, ճիշտ է, որ մշակույթը, գրականությունը սկսել են ավելի ու ավելի քիչ տեղ զբաղեցնել մեր կյանքում...

...1915 թվականի դեկտեմբերի 25-ին Թբիլիսիից 50 կմ հեռավորության վրա, Շուլավեր (ներկայիս՝ Շահումյան) ավանում ծնվեց հայ հանճարեղ բանաստեղծուհիներից մեկը՝ «Քնարերգության թագուհի» կնքված Մարո Մարգարյանը: Նրա, ինչպես եւ մյուս հանճարների մոտ, քնարերգությունը, քաղաքացիության զգացողությունը լավ էր զարգացած: Պոետի կարծիքը հաշվի էին առնում, ու բանաստեղծական խոսքն էլ միշտ արժեքավոր էր...

Մարո Մարգարյանը տեղի միջնակարգ դպրոցն ավարտելուց հետո, ընդունվել եւ կարմիր դիպլոմով ավարտել է Երեւանի պետականլսարանի բանասիրության ֆակուլտետը, ապա՝ ԽՍՀՄ ԳԱ հայկական մասնաճյուղի ասպիրանտուրան: Հայաստանի ու ԽՍՀՄ գրողների միությունների անդամ էր, աշխատել է Սփյուռքահայության հետ մշակութային կապի կոմիտեում: Եղել է Հայաստանի պետական եւ Ավ.Իսահակյանի անվան մրցանակների դափնեկիր, պարգևատրվել է ժողովուրդների բարեկամության շքանշանով:

Մ.Մարգարյանը առաջին բանաստեղծությունը գրել է 11 տարեկան հասակում, իսկ

առաջին գիրքը՝ «Մտերմություն», լույս է տեսել 1940 թվականին: Մինչեւ իր կյանքի վերջը լույս են տեսել նրա 20-ից ավելի բանաստեղծական ժողովածուներ: Կատարել է նաեւ թարգմանություններ վրացի, ռուս, ուկրաինացի, չեխ գրողներից՝ Իոսեփ Գրիշաշվիլի, Գրիգոր Աբաշիձե, Սերգեյ Սիխալով, Վերա Չվյազինցեա, Լեսյա Ուկրաինկա, Պավլո Տիշչինա...

Մարո Մարգարյան ստեղծագործողի պոետիկայի հիմնական լեյտմոտիվը սերն է, հայրենիքն ու մարդկային բարիքաբերական փոխհարաբերությունները: Ծննդավայրի չքնաղ, խորհրդավոր բնությունը եւս իր ուրույն տեղ է գտել նրա գրվածքներում: Մարգարյանը նուրբ քնարականությամբ եւ հուզականությամբ գրուցում է իր ընթերցողի հետ: Նրա տողերը շաղախված են սիրով ու ջերմությամբ, լավատեսությամբ ու հավատով: Գիշտ է, բանաստեղծուհու քնքուշ սիրտը ցավում է կյանքի այս կամ այն բացասական դրսևորումներից, սակայն պոետին բնորոշ չէ հուսահատությունը:

Ահա Մարոյից մի փոքրիկ պատառիկ հայրենիքի թեմայով.

Դու մի բուռ, մի ափ, / Դու մի սրտի չափ, / Դու սրտի պես լայն, / Դու սրտի պես խոր /

Հայրենի իմ հող, / Ակունք բարիքի, / Բուրի ու բերքի, / Խտացած իմ սեր, / Իմ հրաշք երկիր, / Դու մի բուռ, մի ափ, / Դու մի սրտի չափ:

Բանաստեղծուհին իր անձնական օրինակով ինչպես կյանքում, այնպես էլ՝ պոետիկայում, սերմանում է բարին ու լավը, նա իր երգերում շեշտադրում է շիփ-շիտակ եւ արժանապատիվ ապրելու գաղափարը: Փաստորեն, մարդկական քնարերգությունը լավ մարդ լինելու յուրատեսակ կոչ է ու հորդոր: Մարգարյան-բանաստեղծուհու անկեղծ լիրիկան եւ բոլոր ժամանակների համար ստեղծած համահունչ, արդիական տողերը երբեք էլ ընթերցողի պակաս չունեն:

Մարո Մարգարյանը վախճանվել է 1999 թվականին, թաղված է Բյուրականում, եղբոր՝ աշխարհահռչակ աստղագետ Բենիամին Մարգարյանի հարեանությամբ, ով Վիկտոր Համբարձումյանից հետո երկար տարիներ եղել է Բյուրականի աստղադիտարանի տնօրենը:

Շահումյանում է ծնվել նաեւ համաշխարհային համբավ ունեցող երաժիշտ, 20 տարուց ավելի Մոսկվայի Մեծ թատրոնի գլխավոր դիրիժոր Ալեքսանդր Մելիք-Փաշաեյը (1905-1964): Այստեղ է ծնվել Ստեփան Ակոպովը (1889-1958), ով 1953-1958 թվականներին խորհրդային Միության մեքենաշինության նախարարն էր: Նշենք նաեւ մի քանի անուններ, որոնք իրենց հաստատում տեղն են գտել մեր գրականության պատմության մեջ. գրողներ՝ Մովսես Արագին (1878-1964)

նու Վահան Միրաբյանը (1886-1942):

Վերջում հարկ ենք համարում նշել, որ ինչպես Թբիլիսիում՝ Սալաթ-Նովային, Գանձայում՝ Վահան Տերյանին, Կարծախում՝ Ջիվանուն, Այազմայում՝ Հավասուն, Բուլ-ճիս-խաչենում՝ Աղայանին նվիրված հիշատակության ավանդական տոներ ենք անցկացնում, տեղին կլինի Շահումյանում եւս հիմնադրել այս մեծանուն բանաստեղծուհու թեկուզ հոբելյանական տարեթվերին նվիրված հարգանքի ու սիրո հանդիսություն: Եվ, ընդհանրապես, լավ կլինի, որ պարբերաբար հիշենք ու մեր խոնարհումը բերենք նաեւ վերը նշված հայտնի շահումյանցիներին ու ոչ միայն նրանց, այլեւ մեր երկրի հայաբնակ վայրերում ծնված մեծահռչակ մարդկանց, որոնք նշանակալից հետք են թողել կյանքի այս կամ այն բնագավառում:

ԿԱՐԻՆԵ ՄԱՆՈՒԿՅԱՆ

Վրաստանի կրթության, գիտության, մշակույթի եւ սպորտի նախարարության աշխատակցուհի



COVID - 19

ԱՄԻՐԱՆ ԳԱՄԱՐԵԼԻՁԵ. «ՄԵՆՔ ԱՄԲՈՂՋ ՏԱՐՎԱ ԸՆԹԱՑՔՈՒՄ ԿՈՐՈՆԱՎԻՐՈՒՄԻ ԴԵՊՔԵՐ ԿԳՐԱՆՑԵՆՔ, ԳԼԽԱՎՈՐՆ ԱՅՆ Է, ՈՐ ԻՐԱՎԻՃԱԿԸ ՄՆԱ ԿԱՌԱՎԱՐԵԼԻ»

Ինչպես հայտարարեց Վրաստանի հիվանդությունների վերահսկման ազգային կենտրոնի տնօրեն Ամիրան Գամդելիձեն, Վրաստանում ամբողջ տարվա ընթացքում կգրանցվեն կորոնավիրուսի դեպքեր, եւ սակայն գլխավորն այն է, որ իրավիճակը մնա կառավարելի:

Նրա խոսքով, Վրաստանն անցել է շատ բարդ երկրորդ փուլի միջով եւ բնակչությանը կոչ արեց պահպանել կանոնակարգերը:

- Բոլոր քաղաքներում կորոնավիրուսի դեպքեր կան, բայց այդ ամենը կառավարելի է: Երկրորդ փուլը մեզ համար շատ դժվար էր, հատկապես այն ժամանակահատվածում, երբ օրական ունենում էինք 3-5 հազար դեպք: Գիտեք, թե ինչպիսի «մղձավանջի» միջով ենք անցել, ուստի պետք է զգույշ լինել, որ չկրկնվի այն: Իհարկե, կորոնավիրուսային վարակը ոչ մի տեղ չի գնացել: Այդպես կշարունակվի մինչեւ բնակչության 70% -ը կպատվաստվի: Մոտ երեքից հինգ դեղամիջոց ավարտման փուլում է, եւ եւս մեծ հոլս ունեն, որ դրանք շուկայում կհայտնվեն մայիս-հունիս ամիսներին, իսկ մինչ այդ պատրաստ լինենք մոր դեպքերի: Ամենակարեւորն այն է, որ այդ դեպքերը լինեն կառավարելի,-

ասաց Ամիրան Գամդելիձեն:

Ամրդադառնալով պատվաստման թեմային՝ վարակաբանը նշեց, որ պատվաստումը դարձել է քաղաքական զենք հատկապես հզոր պետությունների ձեռքում:

Գամդելիձեն հասարակությանը կոչ արեց՝ չօգտագործել որոշակի քաղաքական ենթատեքստեր այս հարցում: Ըստ նրա, համավարակը պետք է համախմբի ողջ երկիրը, եւ մարդիկ պետք է համերաշխ լինեն միմյանց հետ COVID-19-ի դեմ պայքարի ճանապարհին:

- Եվ ոչ միայն Վրաստանում, համաճարակը քաղաքականացվել է ամբողջ աշխարհում, հատկապես՝ պատվաստումները: Պատվաստումն այսօր դարձել է քաղաքական զենք, հատկապես հզոր պետությունների ձեռքում: Գիտեք, ես խուսափում եմ քաղաքականությունից, այս դեպքում ես հարցին նայում



եմ միայն բժշկական տեսանկյունից: Ես բոլորին խորհուրդ եմ տալիս չօգտագործել որոշակի քաղաքական տեսակետներ այս հարցի վերաբերյալ: COVID-19-ի դեմ պայքարում մենք պետք է համերաշխ լինենք, անկախ քաղաքական համակարաններից կամ տեսակետներից: Սա խնդիր է, որը պետք է համախմբի ամբողջ երկիրը: Մենք բոլորին խնդրում ենք համերաշխություն ցուցաբերել, որպեսզի միասին հաղթահարենք այս մեծ մարտահրավերը,- կոչ արեց Ամիրան Գամդելիձեն:

ԹԵՆԳԻՋ ՑԵՐՑՎԱԶԵ. «ՊԱՆԴԵՄԻԱՆ ԴԵՌ ԱՊՐՈՒՄ Է. ԿՐԱԿԻ ՇԵՏ ԽՆՂԱԼ ԶԻ ԿԱՐԵԼԻ»

(Սկզբը՝ 1-ին էջում)

- Երկիրը հաջողությամբ կառավարում է համավարակային իրավիճակը, հստակ գործում է կլինիկական հատվածը, առավելագույնս չեղարկվեցին սահմանափակումները: Եվ այդ ամենի համար, շնորհակալության փոխարեն, անհնազանդության ցույցեր են կազմակերպում,- հայտարարեց Թենգիզ Ցերցվաձեն եւ հավելեց, նման

ցույցերի մասնակիցների նպատակը, ըստ երեւույթին, համավարակային իրավիճակի սրումն է, որպեսզի առաջիկայում մեղադրանքներ բարդեն կառավարության վրա:

- Ելնելով նեղ կուսակցական շահերից՝ ինչպես կրակի, այնպես էլ համավարակի հետ խաղալ չի կարելի: Այս պարագայում բոլորս պետք է լինենք սկզբունքային, հետեւողական եւ անենք այն, ինչն անհրաժեշտ է,- նշեց Թենգիզ Ցերցվաձեն:

ՎՐԱՍՏԱՆԸ ՍՏԱՑԵԼ Է «Pfizer» ՊԱՏՎԱՍՏԱՆՅՈՒԹ 50 ՀԱՋԱՐ ՀԱՏՈՒԿ ՆԵՐԱՐԿԻՉ

Վրաստանի առողջապահության փոխնախարար Թամար Գաբունիայի հավաստմամբ, «Pfizer» պատվաստանյութը ներարկելու համար, երկիրը 50 000 հատուկ ներարկիչ է ստացել:

Նրա խոսքով, այդ ներարկիչների օգտագործման մասին դասընթացներն անցկացվել են այն բժշկական հաստատություններում, որտեղ պատվաստումներ են իրականացվելու:

- Բացի պատվաստանյութեր գնելուց, նախարարությունն ու Հիվանդությունների վերահսկման կենտրոնը աշխատանքներ են տանում պատվաստումների ծրագրին անհրաժեշտ բոլոր նյութերը գնելու ուղղությամբ: Մենք ստացել ենք 50 000 հատուկ ներարկիչ «Pfizer»

պատվաստանյութ ներարկելու համար: Այս ներարկիչների օգտագործման վերաբերյալ դասընթացներն արդեն անցկացվել են այն բժշկական հաստատություններում, որտեղ դրանք բաժանվելու են: Իհարկե, լրացուցիչ պաշարները փուլ առ փուլ կհամալրվեն՝ պայմանավորված նրանով, թե որ պատվաստանյութն ենք ստանում, եւ ինչ տեսակի ներարկիչ է օգտագործվելու որոշակի պատվաստանյութի համար,- ասել է Թամար Գաբունիան:

ՊՂՊԵՂԸ ՕՐԳԱՆԻԶՄԻՆ ԿՕԳՆԻ ՎԵՐԱԿԱՆԳԵԼ COVID-19-ԻՑ ՀԵՏՈ

Ուժերի անկումից, թուլությունից եւ հոգնածությունից զանգատվում են գործնականում բոլորը, ովքեր հիվանդացել են COVID-19-ով: Պղպեղի օգտագործումն օրգանիզմին կօգնի ավելի արագ վերականգնվել կորոնավարակով հիվանդանալուց հետո:

Բանն այն է, որ վիրուսը հիմնական հարվածը հասցնում է թույլ օրգաններին, եւ դրանց մեջ հետագայում մնում են հսկայական քանակությամբ վնասված բջիջներ, որոնք բավական դժվար է դուրս բերել օրգանիզմից: Այդ գործընթացը կարելի է արագացնել՝ կերակրի մեջ պղպեղ ավելացնելով, որը նպաստում է արյան շրջանառության ակտիվացմանը:

Երբ մարդը դեռ թույլ է, պղպեղը կարող է օգնել: Կարելի է օգտագործել կարմիր, սեւ պղպեղ կամ ծիծակ: Թե օրական քանի անգամ այն ավելացնել կերակրի մեջ, կախված է օրգանիզմի անհատական առանձնահատկություններից: Ուստի պետք է խուսափել չարաշահումից: Իսկ առանձին մարդկանց

այն միանգամայն հակացուցված է: Օրինակ, եթե մարդու մոտ ստամոքսի մախախտությամբ վիճակ է, նրան չի կարելի պղպեղ օգտագործել: Կամ եթե մարդու մոտ թուրք է հայտնաբերվել, հատկապես՝ արյունահոսությամբ, ապա ավելի լավ է դրանից խուսափել:

Ինչ վերաբերում է պղպեղի այրոցի զգացումի չեզոքացմանը, ապա կարելի է կաթ խմել, որովհետեւ սպիտակուցներն արագ վերացնում են այրող նյութերը: Նաեւ կարելի է ծամել անանուխի տերեւներ կամ բերանում պահել անանուխի սառնաշաքար: Այդ մթերքներն ստեղծում են զոլորչիացման էֆեկտ եւ արագորեն վերացնում տհաճ զգացողությունները:

Էջը պատրաստեց ՅՈՒՐԻ ԽՈՐԵՆՅԱՆԸ

ԿՈՐՈՆԱՎԻՐՈՒՄ. ԱՇԽԱՐՀՈՒՄ ՎԱՐԱԿԱՍՏՆԵՐԻ ԹԻՎԸ ԳԵՐԱՉԱՆՅՈՒՆՆԵՐ 108 ՄԻԼԻՈՆԸ

COVID-19 հաստատված դեպքերի թիվն աշխարհում անցել է 108 317 649 միլիոնը: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 2 379 290 հազարը: Ապաքինվել է 80 միլիոն 364 378 մարդ:

Վարակվածների թվով աշխարհում առաջին տեղում ԱՄՆ է, որտեղ կա հաստատված 28 002 240 դեպք: Այստեղ մահացածների թիվը 486 922 է: Երկրորդ տեղում Հնդկաստանն է, որտեղ հաստատված դեպքերի թիվը հասել է 10 880 603-ի, մահացածներինը՝ 155 484-ի:

Վարակվածների թվով հաջորդ տեղում Բրազիլիան է: Այստեղ վարակվել է 9 716 298, մահացել՝ 236 397 մարդ: Ռուսաստանում կորոնավիրուսով վարակվել է 4 027 748, վարակի հետեւանքով մահացել՝ 78 687 մարդ: Ռուսաստանին հաջորդում են Մեծ Բրիտանիան, Ֆրանսիան, Իսպանիան, Իտալիան, Թուրքիան ու Գերմանիան:

Հայաստանում, ընդհանուր առմամբ, վարակվածների թիվը հասնում է 168 830-ի, մահացածներինը՝ 3 138-ի, ապաքինվածներինը՝ 160 838-ի:

Աղբյուրներում վարակվածների թիվը կազմում է 231 649 մարդ: Վարակից մահացել է 3 170, ապաքինվել՝ 226 119 մարդ:

Վերջին տվյալներով, Վրաստանում վարակվել է 264 665, մահացել՝ 3 336, ապաքինվել՝ 256 684 մարդ:

Փետրվարի 12-ին կորոնավիրուսով վարակման 507 մոր դեպքերից 191-ը Թբիլիսիում է, Աջարիայում՝ 19, Իմերեթիում՝ 108, Քվեմո Քարթլիում՝ 26, Շիրա Քարթլիում՝ 40, Գուրիայում՝ 20, Սամեգրելո-Ջեմո Սվանեթիում՝ 46, Կախեթիում՝ 40, Սցխեթա-Սթիանեթիում՝ 5, Ռաճա-Լեչխումիում եւ Քվեմո Սվանեթիում՝ 3, Սամցխե-Ջավախեթիում՝ 9:



առանց լիմիտի բջջային համացանց Մագթիից



օրուգիշեր՝ 1 լարիով

*243# OK

ողջ շաբաթ՝ 5 լարիով

*157# OK

MYMAGTI
ապլիկացիա

Կապվեք՝ 11 00 11 - բջջային ցանցով,
032 217 00 00 - ցանկացած ցանցով
Մագթիկումի ցանցով
հեռախոսազանգը անվճար է:

www.magticom.ge

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆԴՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶՊՐԵՍԻ ՆՅՈՒԹԵՐՈՎ

ՆԻԿՈՒ ՓԱՇԻՆՅԱՆ. «ՊԱՏԵՐԱԶՄԻ ՄԱՍԻՆ ԵՇՄԱՐՏՈՒԹՅԱՆ ՆՈՒՅՆԻՍԿ ԱՄԵՆԱՎԵՐՋԻՆ ԴԵՏԱԼԸ ՊԵՏՔ Է ՊԱՐՋՎԻ»



Նիկոլ Փաշինյանը հայտարարեց, որ կհաւում է այն տեսակետը, որ պետք է պարզի Արցախի նկատմամբ Ադրբեյջանի սանձազերծած պատերազմի ամեն դետալը:

- Ձեր առաջարկած նախագծով հանձ-

Փետրվարի 10-ին Հայաստանի ազգային ժողովում կառավարության հետ հարցուպատասխանի ընթացքում Հայաստանի վարչապետ Նիկոլ Փաշինյանն անդրադարձավ պատերազմի հանգամանքներն ուսումնասիրող պարիտետային հանձնաժողով ստեղծելու մասին «Լուսավոր Հայաստան» խմբակցության ղեկավար Էդմոն Մարուքյանի առաջարկին:

Նաժողովը 70%-ով պետք է ձեւավորվի այն քաղաքական ուժերից, որոնք արդեն ձեր հարցերի պատասխանները տվել են տարբեր ամբիոններից: Մենք փորձել ենք ձեզ հրավիրել քննարկման այդ թեմայի վերաբերյալ, բայց դուք հարկ չեք համարել գալ: Այս պահին պատերազմին առնչվող 1000-ից ավելի քրեական գործ կա քննվող, որոնք ընթացքի մեջ են,- ասաց Փաշինյանը:

Վարչապետը հավելեց, որ քննու-

թյան քաղաքական մեխանիզմը հստակ դրված է գործող օրենսդրության մեջ եւ այդ մեխանիզմը Ազգային ժողովի քննիչ հանձնաժողովն է:

- Այն կարող է ձեւավորվել օրենսդրության համապատասխան կարգավորումների համաձայն: Ինչ վերաբերում է պատերազմի մասին ճշմարտությանը, կարծում եմ՝ այն բավականաչափ քննարկվել է, միանշանակ համաձայն եմ, որ նույնիսկ ամենավերջին դետալը պետք է պարզվի,- նշեց վարչապետը:

ԱՎԱՐՏՎԵՅ ՀԱՅԱՍՏԱՆ-ԵՎՐԱՄԻՈՒԹՅՈՒՆ ՀԱՄԱՁԱՅՆԱԳՐԻ ՎԱՎԵՐԱՅՄԱՆ ԳՈՐԾԵՆԹԱՅԸ

(Սկիզբը՝ 1-ին էջում)

Համընդգրկուն փաստաթուղթը նախատեսում է համագործակցություն ամենատարբեր ոլորտներում, ինչպիսիք են արդարադատությունը, անվտանգությունը, տնտեսությունը, գյուղատնտեսությունը եւ ենթակառուցվածքները, շրջակա միջավայրն ու կլիման, կրթությունը եւ գիտությունը, մշակույթը, առողջապահությունը եւ այլն:

Հարկ է ընդգծել, որ փաստաթուղթը անդրադառնում է

Լեռնային Ղարաբաղի հակամարտության խաղաղ կարգավորման հարցին՝ վերահաստատելով ԵՄ հայտարարած հանձնառությունը աջակցելու ԵԱՀԿ Մինսկի խմբի համանախագահների ջանքերին ու մոտեցումներին, որոնք ուղղված են Լեռնային Ղարաբաղի հակամարտության հանգուցալուծմանը, մասնավորապես՝ ժողովուրդների իրավահավասարության եւ ինքնորոշման իրավունքի հիման վրա:

Համաձայնագիրը լիարժեք ուժի մեջ կմտնի 2021թ. մարտի 1-ից:

«ՀԱՅԱՍՏԱՆ» ՀԻՄՆԱԳՐԱՄԻՆ ՍՓՅՈՒՔԻ ԿՈՂՄԻՅ ՀԱՆԳԱՆԱԿԵԼ Է 27 ՄԻԼԻՈՆ ԴՈԼԱՐ

Արցախյան պատերազմից հետո եւս «Հայաստան» համահայկական հիմնադրամին Սփյուռքի կողմից հանգանակվել է հսկայական գումար՝ մոտ 27 միլիոն դոլարի չափով: Այդ գումարը հավաքվել է մասնավորապես՝ ԱՄՆ-ի, Կանադայի, Նիդերլանդների, Բելգիայի, Արգենտինայի եւ մի շարք այլ երկրների հայ համայնքների ուժերով:

«Հայաստան» համահայկական հիմնադրամի միջոցներով իրականացվող ծրագրերի առաջնահերթությունների շարքում են մասնավորապես՝ վիրավորված

զինծառայողների վերականգնողական բուժումը, տեղահանվածների բնակարանային հարցերի լուծումը, աջակցություն առողջապահական համակարգին, ժամա-

նակավոր կացարանների տրամադրում տեղահանվածներին կամ կացարանների պայմանների բարելավում, ինչպես նաեւ սննդի կազմակերպում կարիքավորներին:

Հիմնադրամի կայքի համաձայն, Ադրբեյջանի սանձազերծած պատերազմի ընթացքում նախաձեռնված «Մենք ենք, մեր սահմանները» դրամահավաք արշավի ընթացքում հանգանակվել է 170 միլիոն 694 հազար 341 դոլար:

ԱՎԵԼԱՆՈՒՄ Է ՀԱՅԱՍՏԱՆԻ ՊԵՏԱԿԱՆ ՊԱՐՏՔԸ

Հայաստանի պետական պարտքը (ներքին եւ արտաքին) 2020-ի դեկտեմբերի 31-ի դրությամբ, ըստ նախնական տվյալների, կազմել է 7 մլրդ 968 մլն 486 հազ. ԱՄՆ դոլար՝ 2019-ի 7 մլրդ 321 մլն 256 հազ. դոլարի փոխարեն եւ աճել 647 մլն 230 հազ. դոլարով կամ 8,84 տոկոսով:

Հայաստանի վիճակագրական կոմիտեի տվյալներով, արտաքին պարտքն անցյալ տարվա դեկտեմբերի վերջի դրությամբ, կազմել է 6 մլրդ 53 մլն 147 հազ. դոլար եւ մեկ տարում աճել 268 մլն 629 հազ. դոլարով կամ ավելի քան 4,64 տոկոսով: Այդ թվում՝ Հայաստանի կառավարության պարտքը կազմել է 5 մլրդ 593 մլն 202 հազ. դոլար եւ 12 ամսում աճել ավելի քան 298 մլն դոլարով կամ մոտ 5,63 տոկոսով,

իսկ ՀՀ Կենտրոնական բանկի պարտքը կազմել է 459 մլն 944 հազ. դոլար եւ, 2019-ի դեկտեմբերի 31-ի համեմատ, նվազել 29 մլն 373 հազ. դոլարով կամ մոտ 6 տոկոսով:

Հայաստանի ներքին պարտքը 2020-ի դեկտեմբերի 31-ի դրությամբ կազմել է 1 մլրդ 915 մլն 340 հազ. դոլար եւ մեկ տարում աճել 378 մլն 601 հազ. դոլարով կամ ավելի քան 24,6 տոկոսով:

ՄՐՑԱՆԱԿԱՐԱՇԽՈՒԹՅՈՒՆԸ ԳՆԱՀԱՏԵՑ 2020 ԹՎԱԿԱՆԻ ԼԱՎԱԳՈՒՅՆ ՍՏԵՂԾԱԳՈՐԾՈՒԹՅՈՒՆՆԵՐԸ

Հայաստանի գրողների միության նախագահության ամենամյա մրցանակաբաշխությանը, որը տեղի ունեցավ փետրվարի 10-ին, գրական տարբեր ժանրերում մրցանակների արժանացան 2020 թվականի լավագույն ստեղծագործությունները:

Ինչպես նշեց Հայաստանի գրողների միության նախագահ Էդվարդ Միլիտոնյանը, տարվա ընթացքում ինը մրցանակաբաշխություն է կազմակերպվում: Չնայած համավարակին, 2020-ին ոչ մի մրցանակաբաշխություն բաց չի թողնվել: Առաջիկայում անցկացնելու են «Հրամոտ եւ Մանուշակ Սիմոնյան» մրցանակաբաշխությունը, իսկ փետրվարի 19-ին՝ «Գիրք նվիրելու օրը», միությունում տեղի կունենա բանակին նվիրված ստեղծագործությունների մրցանակաբաշխությունը:

Ինչ վերաբերում է 2020 թվականի մրցանակաբաշխությանը, արձակի ժամում Դերենիկ Դեմիրճյանի անվան մրցանակի արժանացավ Դավիթ Սարգսյանը՝ «Առաջնորդը. ալֆան եւ օմեգան» գրքի համար, պոեզիա գրական ժանրում Ավետիք Իսահակյանի անվան մրցանակը հանձնվեց Հենրիկ Էդոյանին՝

«Էլեգիկ մտորումներ» գրքի համար, դրամատուրգիայի ժանրում Լեւոն Շանթի անվան մրցանակին արժանացավ Ռուզան Ասատրյանը՝ «Տիգրան Մեծ: Արծիվների տիրակալը» գրքի համար, գրականագիտության, գրաքննադատության ոլորտում Նիկոլ Աղբալյանի անվան մրցանակը տրվեց Սուրեն Աբրահամյանին՝ «Արդի հայ պոեզիայի գեղարվեստական համակարգը» գրքի համար, գրական վաստակի համար Հովհաննես Թումանյանի անվան մրցանակին արժանացավ Իրմա Սաֆրազեկյանը՝ «Օլգա Թումանյան» գրքի համար (ներկայացրել է Լուսինա Խաչատրյանի միությունը), թարգմանական գրականության ոլորտում տրվող Հովհաննես Մանեսի անվան մրցանակը հանձնվեց Աշոտ Ալեքսանյանին՝ Հ.Հեսսեի



«Ներսը եւ դուրսը» գրքի համար: ՀԳՄ Ծաղկածորի ստեղծագործական տան գրական մրցանակը հանձնվեց Խաչիկ Մանուկյանին՝ «Վերջին մեղրամիսը» գրքի համար:

Հայաստանի գրողների միության սահմանած ամենամյա մրցանակաբաշխությունն առաջին անգամ անցկացվել է 1972 թվականին: Այդ ժամանակ գրողների միության նախագահը Էդուարդ Թովփյանն էր: 1972-ին գրական տարբեր ժանրերում մրցանակների են արժանացել Հրամոտ Թամրազյանը, Մուշեղ Գալշոյանը, Վազգեն Մնացականյանն ու Հենրիկ Թումանյանը:

ՏԵՍԱԿՈՆՑԵՐԱՄԻ ԶԵՎԱԶԱԾՈՎ ԿԱՅԱՅԱՎ ԵՐԱՎՈՐՄ ԱՇԽԱՏԱՆՔԱՅԻՆ ԽՄԲԻ ՆԻՍՏ



Փետրվարի 12-ին Հայաստանի փոխվարչապետ Միքայիլ Գրիգորյանը, Ռուսաստանի Դաշնության փոխվարչապետ Ալեքսեյ Օվերչուկը եւ Ադրբեյջանի փոխվարչապետ Շահին Մուստաֆաեւը տեսակոնֆերանսի չեւաչափով անցկացրին եռակողմ աշխատանքային խմբի երկրորդ նիստը: Նիստի ընթացքում քննարկվել է համադրող աշխատանքի ընթացքը, որը բխում է Հայաստանի Հանրապետության վարչապետի, Ռուսաստանի Դաշնության նախագահի եւ Ադրբեյջանի Հանրապետության նախագահի՝ 2020թ. նոյեմբերի 9-ի հայտարարության 9-րդ կետի, ինչպես նաեւ 2021թ. հունվարի 11-ի հայտարարության 2-րդ, 3-րդ, 4-րդ կետերի իրականացումից: Համաչափեցվել է հեղափոխ աշխատանքի ժամանակացույցը:

ՊԵՏԱԿԱՆ ԳԱՎԱՋԱՆՈՒԹՅԱՆ ՀԱՄԱՐ՝ ՑՄՈՂ ԱՋԱՏԱԶՐՎՈՒՄ

Փետրվարի 11-ին Հայաստանի ազգային ժողովն առաջին ընթերցմամբ ընդունեց Հայաստանի քրեական օրենսգրքում փոփոխություններ կատարելու մասին օրենքի նախագիծը, որով առաջարկվում է առավելագույնս խստացնել պետական դավաճանության համար նախատեսված պատժաչափը: Նախագիծը հեղինակել են «Բարգավաճ Հայաստան» խմբակցության պատգամավորներ Վահե Էնֆիաջյանը, Նաիրա Զոհրաբյանը եւ Իվետա Տոնոյանը: Օրենքի նախագիծն առաջին ընթերցմամբ ընդունեց 109 «կողմ», 1 «դեմ» եւ 2 «չեղծնպահ» ձայներով:

ԱՐՅԱԽ Է ՎԵՐԱԳՐԱԶԵԼ ԵՆՈՐԶ ՀԱՋԱՐ ՄԱՐԴ

Արցախի աշխատանքի, սոցիալական եւ բնակարանային հարցերի նախարարության տվյալներին, ռազմական գործողությունների դադարեցումից հետո Արցախ է վերադարձել մոտ 100 հազար մարդ, իսկ մոտ 40 հազար արցախցի շարունակում է բնակվել Հայաստանի Հանրապետությունում:

Իր հերթին, Ռուսաստանի Դաշնության պաշտպանության նախարարության տեղեկատվությամբ, Արցախում ռուսաստանցի խաղաղապահները շարունակում են ապահովել քաղաքացիների՝ իրենց մշտական բնակության վայրեր վերադառնալու անվտանգությունը, քաղաքացիական ավտոտրանսպորտի երթուղիները, պարենի եւ տարբեր ապրանքների փոխադրումը Լաչինի միջանցքով: Տեղեկատվության համաձայն, 2020 թվականի նոյեմբերի 14-ից բնակության վայր է վերադարձել 52 447 մարդ:

ՀԱՅ ԳԵՐԻՆԵՐԻ ՎԵՐԱԳՐԱԶԻ ԳՈՐԾԵՆԹԱՅԸ ԵՐԱՐՈՒՄԱԿԱՎԱՆ Է

Հայաստանի փոխվարչապետ Տիգրան Ավինյանի աշխատակազմից տեղեկացրին, որ հայ գերիներին հայրենիք վերադարձնելու ուղղությամբ աշխատանքներն ընթանում են ամենօրյա ռեժիմով. Ադրբեյջանն առաջարկ վերադարձրել է գերության մեջ գտնվող 69 անձի:

ԵԿԵՂԵՑԱԿԱՆ

ՓԵՏՐՎԱՐ



14.02.2021 Տեառնընդառաջ: Տոն քառասնորյա Գալստեանն Քրիստոսի ի Տաճարն

Հայաստանյայց Առաքելական Սուրբ Եկեղեցին Տեառնընդառաջը կամ 40-օրական Հիսուսի ընծայումը տաճարին տոնում է Աստվածափայտությունից 40 օր հետո՝ փետրվարի 14-ին:

Ն.Ա.Օ.Տ.Տ. Գարեգին Բ Ամենայն Հայոց կաթողիկոսի տնօրինությամբ, արդեն մի քանի տարի է, ինչ Տեառնընդառաջի պատարագից հետո հայոց եկեղեցիներում տեղի է ունենում Նորապսակների օրհնության կարգ:

14.02.2021 Բուն Բարեկենդան

Սովորաբար Բարեկենդան է կոչվում շաբաթապահքերի եւ Մեծ պահքի նախընթաց օրը:

Մեծ պահքի Բարեկենդանը կոչվում է Բուն Բարե-

կենդան, քանի որ նախորդում է ամենաերկար պահքին:

15.02.2021 Մեծ Պահք

Այս տարի փետրվարի 15-ից սկսվում է Մեծ Պահքի շրջանը: Այն տևում է 48 օր՝ Բուն Բարեկենդանից մինչև Սուրբ Հարության (Չատկի) տոնի նախօրեին: Այս տարի Սուրբ Հարության տոնը կնշվի ապրիլի 4-ին:

Պահքի շրջանում օգտագործում են բացառապես բուսական ծագում ունեցող սննդամթերք, հրաժարվում են ոչ միայն որոշակի կերակուրներից, այլև մոլի սովորություններից, շատախոսությունից, ստախոսությունից, հայոյանքից եւ այլ մեղքերից:

Մեծ Պահքն ունի յոթ կիրակի, յոթ հիշարժան օր. Բուն բարեկենդան, Արտաքսում, Անառակի, Տճտեսի, Դատավորի, Գալստյան եւ Ծաղկազարդ:

Մեծ Պահքն այս տարի կիսվում է մարտի 11-ին եւ կոչվում է Միջինք: Պահքն այդ օրը չեն ընդհատում: Պարզապես ժողովրդական սովորության համաձայն, այդ օրը բաղարջից պահոց գաթա են պատրաստում:

ԱՆՇԱՐԺ ԳՈՒՅՔԻ ՇՈՒԿԱՅՈՒՄ

ԻՆՉ ԱՐԺԵՆ ԲՆԱԿԱՐԱՆՆԵՐԸ ԹԲԻԼԻՍԻՈՒՄ

2020 թվականին նորակառույց բնակարանների միջին արժեքը, նախորդ տարվա համեմատ, նվազեց 5 տոկոսով եւ մեկ քառակուսի մետրի հաշվով կազմեց 672 ԱՄՆ դոլար:



Ինչ վերաբերվում է հին շենքերում գտնվող բնակարանների վաճառքի գնին, ապա մեկ քառակուսի մետրի հաշվով այն նվազել է ընդամենը 3 դոլարով եւ կազմել 638 ԱՄՆ դոլար: Այդ մասին տեղեկացրել է անշարժ գույքի շուկայի ուսումնասիրությունում անցկացված ընկերությունը:

Ինչպես ցույց տվեց ուսումնասիրությունը, անցյալ տարի Սաբուրթալայում, Փոնիճալայում եւ Բագեբիում նորակառույց բնակարանների գինը նվազել էր 10, 9 եւ 4, Շոքեթիում, Մթածմինդա-

յում, Գլդանիում եւ Նաճալադեիում ավելացել համապատասխանաբար՝ 14, 9 եւ 7 տոկոսով: Ինչ վերաբերում է նորակառույց բնակարանների վաճառքի գներին, ապա՝ ըստ շրջանների հետեւյալ պատկերն է. Վակե՝ 1139, Մթածմինդա՝ 1091, Բագեբի՝ 870, Սաբուրթալա՝ 788, Շոքեթի՝ 786, Կրծանիսի՝ 738, Իսանի՝ 708, Չուղուրեթի՝ 678, Դիդուրեթի՝ 657, Նաճալադեի՝ 579, Սամգորի՝ 550, Դիդի Դիդուրեթի՝ 548, Գլդանի՝ 525, Փոնիճալա՝ 448 ԱՄՆ դոլար:

Ուսումնասիրության համա-

ձայն, 2020 թվականին նորակառույց բնակարանների շուկայում արժեքը, նախորդ տարվա համեմատ, նվազել է 20 տոկոսով եւ կազմել 849 ԱՄՆ դոլար, իսկ հին շենքերում բնակարանների արժեքը նվազել է 27 տոկոսով, իսկ շուկայական արժեքը կազմել է 342 ԱՄՆ դոլար:

ՄԻՍՈՆ ԿԻԼԱՉԵ

ԽՈՍՔ ՀՐԱԺԵՇՏԻ

ՀՈՎՀԱՆՆԵՍ ՍՏԱՄԲՈԼՅԱՆ

Սիրելի Հովհաննես, մեր անմահ Օվանիկ: Դու ամաճամանակ հեռացար մեզանից: Սրտի ցավով, հոգու կսկիծով քեզ հրաժեշտ տվեցինք: Ավարտվեց քո երկրային կյանքը՝ թողնելով բարի անուն ու պայծառ հիշատակ:

Բարձր գնահատականներով ավարտեցիր միջնակարգը, ապա՝ վրացական պոլիտեխնիկական ինստիտուտը, ստացար ինժեներ-շինարարի մասնագիտություն եւ այդ գծով էլ սկսեցիր քո աշխատանքային գործունեությունը, նախ՝ հայրենի Նինոծմինդայում, ապա՝ Ռուսաստանի Դաշնության մայրաքաղաքում: Մեծ անուն ու համբավ ձեռք բերեցիր: Օգնում էիր հայրենակիցների, նրանց, ովքեր կարիքի մեջ էին, ովքեր աշխատանքի հարցով դիմում էին քեզ: Ընդառաջում էիր: Երբեք չէիր կտրվում հայրենի եզերքից՝ Նինոծմինդայի մունիցիպալիտետի խոջաբեկ գյուղից, որի արժանի զավակն էիր: Արդարացնում էիր ծնողներիդ՝ Սերգեյ եւ Նարգիշ Ստամբոլցյանների հույսերն ու պատգամները: Իսկ երկու տարի առաջ, երբ հանդիսավորությամբ նշեցինք ծննդյանդ 60-ամյակը, ներկաները անչափ ջերմ ու սրտառու խոսքեր ասացին քո հասցեին՝ որպես ազնիվ ու բարի մարդու:

Այո՛, ազնիվ էիր ու բարի, վեհ ու առաքինի:

Քո օրինակով բարձրագույն կրթություն ստացան երկու դուստրերդ եւ որդիդ՝ Սերգեյը:

Սիրելի Հովհաննես, քո անմար հիշատակը միշտ վառ կմնա մեր սրտերում: Հավերժ խաղաղություն քեզ: Հոգիդ թող սավառնի երկնային երանության մեջ:

ՄԱՆՈՒԿ ԵՎ ԱՐՓԻԿ ԿԱՐԱՆԱՆՅԱՆՆԵՐ

ԱՆԺԵԼԱ ՄԱՋՄԱՆՅԱՆ

Փետրվարի 1-ին, 69 տարեկան հասակում, կյանքից հեռացավ Ծալկայի մունիցիպալիտետի խաչգյուղի հանրային դպրոցի վաստակաշատ ուսուցչուհի Անժելա Մաճմանյանը:

Հարգելի Անժելան շուրջ 40 տարի իր ամուսնու հետ միասին աշխատել է Ծալկայի մունիցիպալիտետի Դաբուռի հանրային դպրոցում՝ որպես աշխատանքի ուսուցման ուսուցչուհի, ապա՝ խաչգյուղի հանրային դպրոցում:

Դպրոցում աշխատած տարիներին աչքի է ընկել համեստությամբ՝ արժանանալով աշխատակազմի եւ աշակերտների սիրուն ու հարգանքին:

Դպրոցի աշխատակազմը խորապես ցավակցում է հանգուցյալի հարազատներին:

ԽԱՉԱՏՈՒՐ ՄԱՋՄԱՆՅԱՆ
Ծալկայի մունիցիպալիտետի խաչգյուղի հանրային դպրոցի փոխտնօրեն

1		2		3		4		5		6		7
						8	9					
10						11				12	13	
						14				15		
		16				17					18	
					19				20	21		
22	23		24	25				26				
27		28				29	30			31		32
33					34			35				
	36											
37										38		
39				40	41	42	43					
		44				45						
					46					47	48	
49				50		51				52		53
				54								
										55		
		56										

Խ Ա Չ Բ Ա Ռ

ՀՈՐԻՉՈՆԱԿԱՆ

1.Վանքային համալիր Արցախում: 5.Արեւմտահայ մեծ գրող, որին անվանել են «Նորավեպի իշխան»: 8.Հնամեջ խոտի կամ հասկի խուրձ: 10.Կատվի թաքստոցը: 11.Հայկական գինիներից: 12.Ակնթարթ, աչքի մեկ թարթելու ժամանակը: 14.Կորեացի կայսրուհի: 15.Լեւոն Շանթի հերոսուհի: 16.Եկ, մոտեցիր: 17.Կենդանակերպի նշան: 18.Մակերեսի չափման միավոր: 19.Հովի.Թումանյանի ծննդավայր գյուղը: 20.Ուրարտական թագավոր: 22.Լեւոն Գրող Հենրիկ Սենկեիչի «... երթաս» պատմավեպը: 24.Ցավ: 26.Գետի հունը Ավստրալիայում անձրեւից հետո, չոր եղանակին: 27.Քաղաք Վրաստանում: 31.Անկախ կամքից, հանկարծակի: 33.Վա..., Ի...: 34.Թաղամաս Երեւանում: 36.Բայի վերջավորություն: 37.Ոչ լրիվ, անավարտ: 38.Տարի, 12 ամիս: 39.Կուսակցություն Հայաստանի ԱԺ-ում՝ «... քայլը»: 40.Ականջալուր լինել ներքին ծայրին: 43.Հերոսուհի «Կովկասի գերուհին» ֆիլմում: 44.Երաժիշտ եւ կոմպոզիտոր ... Նամին: 45.Տարվա չորս ...: 46.Տետրի ...: 47.Հատապտղի տեսակ: 49.Պեպոյի ապացույց հաղթաբերողը: 51.Արցախի հերոս Մոմբե Մելքոնյանը: 52.Մարդ, այր (բրբ.): 54.Տարվա եղանակ:

55.Պոչ, ագի: 56.Ֆրանսիայի նախագահը:

ՈՐՈՇԱՆՅԱՆ

1.Հայկական խմորի տեսակ: 2.Կար եւ ձեւ անող վարպետը: 3.Կենդանակերպի տարի: 4.Վրաց հայտնի երաժիշտ, երաժշտագետ Փիլիմոնե ...: 5.Եկեղեցու, դպրոցի ...: 6.Ժամանակի միավոր: 7.Թբիլիսիի հայկական թատրոնի նախկին դերասան: 9.Մաշտոցյան այբուբենի զինվոր: 11.«Ակոս» թերթը արեւմտահայերենում: 13.Մարդկության նախահայրը: 15.Պ.Ադամյանի անվան պետական թանգարանի դերասանուհի ... Շեկոյան: 19.Հայաստանի մայրաքաղաքներից: 20.Հայ ֆիդայի: 21.Կաճառի դասախոսը (միջազգային լեզվով): 23.Ոխակալ, անողորմ: 24.Իսպանական հայտնի հանդիսախաղ: 25.Աց: 28.Ասեմ, ..., ասի: 29.Հայոց կաթողիկոս ... Ա Տփիսիսեցի: 30.Հոգնակիակերտ մասնիկ: 32.Սեռերից մեկը: 35.Գետ Հայաստանում: 37.Վրաց հանրահայտ դերասան, երգիչ: 38.Հայոց աստվածուհի: 40.Այստեղը՝ գրաբարյան հայերենով: 41.Երկրաչափական պատկեր: 41.Կոտ դ Վուարի մայրաքաղաքը: 44.Սորմ: 48.Անձնական դերանուն: 50.Բարձր գին ունեցող: 52.Հյուսիսատլանտյան դաշինք:

Կազմեց ԱՆՆԱ ՍԱՐԻԲԵԿՅԱՆԸ

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻՉՈՆԱԿԱՆ

7.Պողոսյան: 9.Շղար: 10.Ուրդու: 11.Հոմանիշ: 13.Խնամք: 16.Թուր: 17.Դափ: 19.Սկիզբ: 22.Լյուբե: 24.Գրանիտ: 25.Արկղ: 27.Ամեթիստ: 29.Ունկակ: 32.Տպագրել: 33.Աստանա: 35.Ինադ: 37.Այր: 39.Ուստի: 40.Վոչ: 43.Ինք: 44.Կունա: 47.Այր: 49.Լեբեդ: 50.Ջեկի: 53.Նանա: 54.Ամա: 55.Անդի: 57.Սեր: 58.Նալչիկ:

ՈՐՈՇԱՆՅԱՆ

1.Թոթո: 2.Ձավար: 3.Դրուիդ: 4.Ածուխ: 5.Լանա: 6.Հոնք: 8.Արշակ: 12.Մուսու: 14.Նիկա: 15.Սոգի: 18.Սեր: 19.Սրինգ: 20.Ինդոնեզի: 21.Բոտել: 23.Բաղբալ: 26.Կատա: 28.Մուսա: 29.Ուազ: 30.Իրիս: 31.Ալարել: 34.Տյունեն: 36.Դեն: 38.Խոյ: 41.Ռադար: 42.Շրջան: 45.Ուլար: 46.Աբաս: 48.Կկալ: 51.Ինչ: 52.Պիկ: 56.Դի:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ

Համարի պատասխանատու՝ ԳԱՅԱՆԵ ԲՈՍԱՆՋՅԱՆ

Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅԵՄՈ: ՄԺՈՐՈՆՈ 0105, ՃԱՄԲԵՅԼՈՆ ՄՅՅԱ 5.
Մեր հասցեն՝ Թբիլիսի 0105 Գ.Աթոնելի փ. 5
ԾՅԼ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈՆՈՐ» հրատարակչություն

«ՅՐԱՆԾԱՅՈ»
ՄԺՈՐՈՆՈ, ՆԱՅՅԵՄԵՅԼՈ
“ВРАСТАН”
Тбилиси, Грузия
«VRASTAN»
Georgia, Tbilisi
Индекс 66445